

ՎԱՆՔԱՊԱՏԿԱՆ ՀՈՂԱՏԻՐՈՒԹՅԱՆ ԸՆԴԱՐՁԱԿՄԱՆ ՈՒՂԻՆԵՐԸ
XIV—XV ԴԴ.

Գ. Ե. ԿԻՐԱԿՈՍՅԱՆ

Հայաստանում քրիստոնեությունը պետական կրոն դառնալուց հետո կազմավորվող հայ եկեղեցին աստիճանաբար իր տրամադրության տակ կենտրոնացրեց հսկայական տարածությամբ հողային կալվածքներ: Նախնական շրջանում եկեղեցին իր կալվածքներն ընդարձակում էր հեթանոսական տաճարներից և քրմերից խլված հողերի, իսկ հետո՝ Արշակունի և Բագրատունի գահակալների և հայ աշխարհիկ ֆեոդալների հատկացումների հաշվին¹: Հետագայում եկեղեցին տարբեր ճանապարհներով՝ գնումների, նվիրատվությունների, գյուղական համայնքներից և մանր հողատերերից հողերի բռնագրվաման, ասպարեղից հեռացած ֆեոդալների հողերին տիրելու և զանազան այլ միջոցներով ընդլայնում է իր հողային տիրույթները և շուտով դառնում երկրի ամենախոշոր հողատեր-կալվածատերը:

Յրիդիկ էնգելսը, խոսելով եկեղեցու դերի մասին, գրում է. «Նա ֆեոդալական հասարակարգը շրջապատեց աստվածային շնորհի սրբազան փայլով: Նա իր սեփական նվիրատվությունը հաստատեց ֆեոդալական օրինակի համաձայն, և վերջիվերջո նա ամենախոշոր ֆեոդալական սեփականատերն էր»:

Մեզ հետաքրքրող ժամանակաշրջանում եկեղեցու կածվածքների ընդլայնման հիմնական աղբյուրն աշխարհիկ ֆեոդալների կողմից տրվող նվիրատվություններն էին:

Ի՞նչն էր պատճառը, որ հայ աշխարհիկ ֆեոդալներն իրենց կալվածքները նվիրում կամ երբեմն էլ էժանագին վաճառում էին վանքերին ու եկեղեցիներին: Այս երևույթի հիմնական պատճառը այն հալածանքն էր, որն սկսվել էր աշխարհիկ ֆեոդալների նկատմամբ: Մոնղոլ-թուրքական երկարամյա տիրապետությունը կործանարար եղավ հայ իշխանական տների համար: XIV—XV դդ. իրենց քաղաքական ազդեցությունից զրկվեցին երբեմնի հզոր Զաքարյան, Օրբելյան, Վաչուտյան, Պռոշյան, Դուխյան և այլ իշխանական տները: Հայ աշխարհիկ ֆեոդալների կալվածքների մի մասը բռնագրավվեց նվաճողների կողմից, իսկ մնացած մասը նրանք ստիպված էին նվիրել կամ էլ էժանագին վաճառել եկեղեցուն:

Ի հակակշիռ քայքայվող աշխարհիկ հողատիրության, XIV—XV դդ. որոշակի զարգացում ապրեց հոգևոր ֆեոդալական հողատիրությունը: Այս հանգամանքը բացատրվում է բարյացակամ այն վերաբերմունքով, որ ունեին նվաճողները հայ հոգևորականության նկատմամբ: XIV—XV դդ. հայ եկեղեցին շարունակում էր պահպանել իր արտոնյալ վիճակը: Փաստերը վկայում են, որ

¹ Այս մասին տե՛ս Ս. Հակոբյան, Հայ գյուղացիության պատմություն, հ. 1, Ե., 1957, էջ 191—210:

² Յ. էնգելս, Սոցիալիզմի զարգացումը ուտոպիայից դեպի գիտություն, Ե., 1933, էջ 13:

XV դ. թուրքմեն դահակալներն իրենց վարած քաղաքականությամբ մեծապես նպաստում էին վանքապատկան հողատիրության ընդարձակմանը: 1941 թ., իբր հայոց կաթողիկոսական աթոռը Սսից փոխադրվեց, ինչպես վկայում է Թովմա Մեծոփեցին, Ջահանշահը և Երևանի կառավարիչ Յաղուբ բեկը օժանդակեցին, որպեսզի կաթողիկոսական աթոռը հաստատվի էջմիածնում³:

Թուրքմեն փաղիշահներն թեմերի առաջնորդներին ու վանահայրերին տված իրենց հրովարտականերով ոչ միայն հաստատել են վանքերի հողատիրական իրավունքները, այլև վանքապատկան հողերը ազատել են հարկերից: Հայտնի են Ջահանշահի 1449 թ. հրովարտակը՝ տրված Տաթևի և Վաղարշինի վանքերին, 1462 թ. Ջահանշահի կին Բեկում խաթունի հրամանագիրը՝ տրված Դանձասարի Հովհաննես կաթողիկոսին, 1468 թ. Հասան Ալու հրովարտակը՝ Տաթևի և Վաղարշինի վանքերին, 1475 թ. Ուղուն-Հասանի հրովարտակը՝ Դարշարի հայ հոգևորականներին և 1478 թ. Յաղուբի հրովարտակը՝ տրված Գանձասարի Հովհաննես կաթողիկոսին:

Բերված փաստերը վկայում են, որ XIV—XV դդ. վանքապատկան հողատիրությունը զերծ էր օտարումից ու հափշտակումից և ազատ՝ պետական հարկերից: Այդ երևույթը հատուկ էր ֆեոդալական հասարակարգին՝ մանավանդ Արևելքում: Հոգևորականությունը որպես տիրող դասակարգ վաղ միջնադարից գտնվել է արտոնյալ վիճակում: Քննարկվող ժամանակաշրջանում, ինչպես բոլոր նվաճողները, այնպես էլ թուրքմենները, որպեսզի ապահովեն իրենց թիկունքը, որոշ արտոնություններ էին տալիս հոգևորականությանը:

Ձուտ տնտեսական, քաղաքական ակնկալումներից բացի, մահմեդական տիրակալները շարիաթի սկզբունքները տարածում էին վանական հողային տիրույթների վրա և նրանց օժտում «մուաֆի» իրավունքով:

Աշխարհիկ ֆեոդալների նվիրատվությունները հիմնականում տրվում էին այն վանքերին, որոնք գտնվում էին նվիրատուի ֆեոդալական տիրույթների սահմաններում, իսկ վանահայրը՝ ֆեոդալի մերձավոր ազգականն էր կամ էլ նրա հնթական: Հաճախ ֆեոդալական տան որե՛կ ազգեցիկ անդամ իր ձեռքն էր վերցնում ֆեոդալական տան աշխարհիկ և հոգևոր իշխանությունը: Ֆեոդալական տան այն ազգեցիկ ներկայացուցիչները, որոնց ձեռքում էր կենտրոնացած թե՛ աշխարհիկ և թե՛ հոգևոր իշխանությունը, կոչվում էին պարոն-տերեր:

Եթե մինչև թուրք-թաթարական արշավանքները կատարված նվիրատվությունները հիմնականում կրում էին կրոնական բնույթ, այսինքն բխում էին նվիրատուի կրոնական ջերմեհոանգությունից և տրվում էին «հոգու փրկության» համար, ապա մեզ հետաքրքրող ժամանակաշրջանում, քաղաքական նոր պայմանների հետևանքով փոխվեցին նվիրատվությունների նպատակն ու բնույթը: Այժմ կատարված նվիրատվություններն ունեին իրենց քաղաքական դրապատաշառնիքը: Դրանք վարագուրում էին նվիրատուի բուն նպատակը և պատվարում նրաց կալվածքները վանքապատկան ցուցանակով⁴:

Նվիրատվական արձանագրությունները փաստորեն պայմանագրեր են՝ կնքված վանքի միաբանության և նվիրատուի միջև, որի դիմաց վանքի միա-

³ Տե՛ս Թովմա Մեծոփեցի, Յիշատակարան, Թիֆլիս, 1896, էջ 68—69:

⁴ Տե՛ս Լ. Խաչիկյան, Ժն դարի հայերեն ձեռագրերի հիշատակարաններ, մասն Բ, Ե., 1958, էջ LXII:

բանությունը յուրաքանչյուր տարի պատարագ պիտի մատուցեր նվիրատուի արեւշատության համար⁵։ Բերենք մի քանի փաստեր։

XIV—XV դդ. բավական ընդարձակ կալվածքների տեր էր Թանատի վանքը։ Վանքի իր մի արձանագրությունում Վահրամ Շահուռեցի իշխանը հայտնում է. «տվի... Տափոց հողերն սբ. Ստեփանոսին», իսկ 1336 թ. Վահրամի որդի Ուբանը գրել է. «Ետու հալալ հերենեց որ ինձ բաժին էր հասել ղեալին Ըղալանին հողերն իւր։ Դ. հատովն եւ թմբերովն⁶։ Վանքը ոչ միայն հողային կալվածքներ և այգիներ էր ձեռք բերում, այլ նաև ջրաղացներ, դինգեր և այլ հասութաբեր օբյեկտներ։ Էաչի իշխանի որդին՝ Զուման եկեղեցուն է նվիրել մի ջրաղաց⁷։

Օրբելյան իշխանազուններից Պենը, Փանձաթաղի տերը, 1348 թ. իր կնոջ՝ Սուսայի, հետ վանքին է նվիրել երկու այգի⁸։ Ոմն Բուքայիս XIV դ. առաջին կեսին վանքին է նվիրել «զաւտինաց վարին հողն»։ Իվանի անունով մեկը իր կնոջ՝ Սախուխի, հետ 1353 թ. արձանագրել են. «...տվիք զմեր գնած իգին ի Սխտորալէզ։ Ա. հող ի Մեծաքար»⁹։

Վալոց ձորի նշանավոր վանքերից է Սպիտակավոր հոյակերտ վանքը։ Պոռչյան իշխանների հատկացումներով, վանքը շուտով ձեռք է բերում հսկայական հողային տիրույթներ։ 1322 թ. վանքի կառուցումը ավարտելու կապակցությամբ Ամիր-Հասան Բ-ը հողամաս է նվիրել վանքին և իր հոր անունով թողել է արձանագրություն¹⁰։ 1339 թ. Ամբատ Օրբելյանը վանքին է նվիրել մի այգի և այն ազատ է համարել ամեն տեսակ հարկերից¹¹։ Անթվակիր մի արձանագրությունից, որը, ըստ Ս. Բարխուդարյանի, գրված է XIV դ. առաջին կեսին, իմանում ենք, որ Մարուգե վարդապետը և նրա հարազատ Գրիգորը իր կնոջ հետ Աստվածածնի վանքին են նվիրել Թաքերի հողամասը, Թեղուտը և Զետին հողերը¹²։ Սպիտակավոր վանքի Աստվածածնի եկեղեցու զավթի անթվագիր մի արձանագրությունից իմանում ենք, որ 1475—1498 թթ. միջոցում, երբ վանքի վանահայրն էր Ավագտեր վարդապետը, Սյունյաց երեց Ստեփանոսի որդի Հովհաննեսը վանքին է նվիրել երկու այգի¹³։

Սյունիքում խոշորագույն հոգևոր ֆեոդալական կազմակերպություններից էր Տաթևի վանքը։ Համաձայն Ստ. Օրբելյանի, Տաթևի վանքին հարկատու էին վեց հարյուր յոթանասունյոթ գյուղեր։ Տաթևի վանքի զավթում մի քարի վրա ոմն Գրիգոր արձանագրել է, որ ինքը 1345 թ. իր հողամասը նվիրել է վանքին¹⁴։ 1397 թ. Գրիգոր վարդապետը գնել է մի ջրաղաց, ինչպես նաև «Յուրահողը» և նվիրել է վանքին¹⁵։

⁵ Տե՛ս Կ. Ղ ա ֆ ա դ ա Ր յ ա ն, Սանահնի վանքը և նրա արձանագրությունները, Ե., 1957, էջ 74։

⁶ Դիվան հայ վիմագրության, կազմեց Ս. Բարխուդարյան, հ. 3, 1967, էջ 80։

⁷ Տե՛ս նույն տեղում։

⁸ Տե՛ս նույն տեղում, էջ 81։

⁹ Նույն տեղում, էջ 82—83։

¹⁰ Տե՛ս նույն տեղում, էջ 96։

¹¹ Տե՛ս նույն տեղում, էջ 98։

¹² Տե՛ս նույն տեղում, էջ 96։

¹³ Տե՛ս նույն տեղում, էջ 101։

¹⁴ Տե՛ս նույն տեղում, էջ 87։

¹⁵ Տե՛ս նույն տեղում, էջ 41։

Ըիշտ է, XIV—XV դդ. սակավ վկայություններ են հասել մեղ Տաթևի հողալիս կալվածքների վերաբերյալ, բայց և այնպես վանքը շարունակել է պահպանել իր տնտեսական հզորությունը և անբավ հարստությունները նաև այս դարերում: Այդ են վկայում XV դարից վանքի մասին մեզ հասած կալվածաիրերը: Այսպես, 1400 թ. գրված Տաթևի վանքապատկան հող, Շենուհայր և Հալիծոր դյուղերի սահմանը որոշող կալվածագրում մանրամասն նկարագրված են այն սահմանները, որոնք մտնում են այս գյուղերի տերիտորիայի մեջ և միշտ պահպանել են Տաթևի վանքին¹⁶: Պահպանվել են նաև 1450 թ. կալվածաիրերը, որոնց համաձայն Տաթևի վանքի առաջնորդ, անգեղակոթցի Շմավոն վարդապետը Ռուստամ Օրբելյանից գնել է Սվարի և Տանձատափի գյուղերի վից, Տաղու և Աղանց գյուղերի երեք դանգերը, ինչպես նաև ոմն Ղադանֆարից գնել է Կոծմակոթի վից դանգը, Փիրկուլիից՝ մի այգի և այդ բոլորը նվիրել է Տաթևի վանքին: Այս ամենի դիմաց Շմավոն վարդապետը վճարել է Ռուստամ Օրբելյանին 14 հազար դինար¹⁷: Այդ բոլոր կալվածագրերը, Շմավոն վարդապետը վակֆ է արել Տաթևի վանքին, որի կալվածքներն օտարումից ազատ էին: 1508 թ. գրված մի կալվածագրից իմանում ենք նաև, որ Շմավոն վարդապետը (հավանաբար սա եղել է Շմավոն Անգեղակոթցու թոռը) վանքին վակֆ է արել 16 գյուղ՝ Տաթև, Սվարի, Տաշու, Աղաբյանդի, Տանձատափ, հոռուանան, Հալիծոր, Շնհեր, հոռ, Կից, Բորդի, Դաստակերտ, Գյուլյազի, Բնունիս, Թաս և Ղարաքելիսա¹⁸: Կարծում ենք, որ սա ոչ լրիվ ցուցակն է այն գյուղերի, որոնց XV դ. տիրում էր Տաթևի հոգևոր ֆեոդալական հաստատությունը: Այս դյուղերից բացի վանքին գյուղեր, այգիներ, արոտատեղիներ, ջրաղացներ և այլ հասութաբեր օբյեկտներ են նվիրել տարբեր մարդիկ, տարբեր ժամանակներում: Նշված կալվածքների ողջ արդյունքը յուրացվում էր վանքի միաբանության կողմից, որը կատարվում էր գյուղացիությանը շահագործելու ճանապարհով: Այս մասին 1508 թ. կալվածագրում կարդում ենք. «Վանքի վանահայրերը, վանականներն ու եպիսկոպոսները վերահիշյալ գյուղերի մուլերի բարհաշներին ստացվող հասույթը ամեն տարի գյուղերի մուլերի հողագործներից ստանան և գանձվող ամբողջ մալիքանեն ծախսեն հիշյալ աղոթատեղում բնակվող կարոտյալների (վանականներ) ապրուստի և ելումուտ անողների վրա»¹⁹:

Բավական ընդարձակ տնտեսություն ունեւր Վաղադինի վանքը, որը գրտնրվում է Սիսիանի Վաղուղի գյուղից երկու կիլոմետր հեռու: Իր հիմնադրման ժամանակից վանքը տիրում էր ընդարձակ կալվածքների: XIV դ. թուլացող Օրբելյան ֆեոդալական տան ներկայացուցիչներն իրենց կալվածքների ապահովումը լծորդում էին նաև այս վանքի հետ: 1326 թ. Սյունյաց արքեպիսկոպոս Զաւալի որդի Ստեփանոս Օրբելյանը եկել է Վաղադինի վանքը և վանքին կից նոր հյուրատուն կառուցելու կապակցությամբ վանքին է նվիրել երեք կտոր հողամաս և աղատ հայտարարել այն հարկերից²⁰:

16 Տե՛ս Մատենադարանի պարսկերեն կալվածագրերը, պրակ I, կադմեց 2. Փափաղյան, Ե., 1969, էջ 56:

17 Տե՛ս նույն տեղում, էջ 79—80:

18 Տե՛ս նույն տեղում, էջ 100—102:

19 Նույն տեղում, էջ 102—103:

20 Դիվան հայ վիմագրության, Ե., 1960, հ. 2, էջ 100—101:

XV դ. վաղադինի վանքը շարունակում էր տիրել ընդարձակ կալվածքների: Այդ հաստատում են 1449 թ. Ջաշանշահի և 1466 թ. Հասան Ալու կողմից Շմավոն վարդապետին տրված հրովարտականները՝ Տաթևի և վաղադինի վանքերի հողային տիրույթների և նրանց հարկերից ազատելու մասին:

Ընդարձակ տնտեսություններ ունեին Դոփյանների իշխանության տակ գտնվող Դադի և Խաթրա վանքերը: Այդ հոգևոր կենտրոնները XV դ. շարունակում էին անսահմանափակ կերպով ընդլայնել իրենց կալվածքները: Դրան մեծապես նպաստում էր այն հալածանքը, որ սկսվել էր ֆեոդալական այս տան նկատմամբ: XV դ. 20—30-ական թվականներին իշխող Տուրսուն, Սեյդի, Պոռոշ, Գրիգոր, Հասան և մյուս իշխանազույնները, տեր Ավագ եպիսկոպոսին և Մանվել աբեղային են հանձնել Դադի, Խաթրա և Գետամեջ վանքերի ու նրանց կալվածքների կառավարման գործը. «գերկու իշխանութիւնն որ է եպիսկոպոսութիւնն և պարոնութիւնն» էլ հենց ի նոսա յանձնեցաք²¹, արձանագրել են «Դոփյան իշխանազույնները: Այս փաստը թուլացած աշխարհիկ իշխանների կողմից հոգևոր ֆեոդալների հովանավորությունն ընդունելու բնորոշ օրինակ է:

Արցախում տասնյակ գյուղերի, արտերի, այգիների և անբավ այլ հարստությունների տեր էր Գանձասարի վանքը: Գանձասարի վանքի կալվածքների ընդարձակումն ավելի մեծ չափով շարունակվեց XV դ.: Ջալալյան իշխաններն իրենց կալվածքներն օտարումից փրկելու նպատակով դրանք նվիրում էին վանքին, որի կաթողիկոսներն ու վանահայրերն իրենց մերձավոր ազգականներն էին: Օրինակ, 1407 թ. Ջալալյան Ուլուբեկ իշխանը Գանձասարի վանքին հողամաս նվիրելու կապակցությամբ արձանագրել է. «Ես Ուլուբեկս որդի Մէճլիսին. տուի զիմ հայրենի հողն Ղուղտանոսի կտորն, որն ի վարդան Բերանց է, իւր սարհատովն ի սբ. ուխտս Գանձասարայ»²²: Նման օրինակները բազմաթիվ են:

XIV—XV դարերում մեծ տնտեսություններ ունեին նաև Վասպուրականի վանքերից մի քանիսը: Ախթամարում և Լիմում նստող վանահայրերը ծագում էին Արծրունիների հին տոհմից: Նրանք XIV—XV դարերում իրենց ձեռքում էին կենտրոնացրել այս շրջանի թե՛ աշխարհիկ և թե՛ հոգևոր իշխանությունը և շարունակում էին ընդարձակել իրենց ֆեոդալական տիրույթները: Մեզ է հասել Լիմի ս. Գևորգ վանքի վանքապատկան հողերի 1305 թ. կալվածագիրը: Ըստ այդ կալվածագրի՝ Ջաքարիա կաթողիկոսին հաջողվում է զանազան գյուղերից ձեռք բերել ընդարձակ կալվածքներ և դրանք վակֆ անել վանքին: Այսպես, նա վանքին է տվել Ամյուկին ենթակա Ջանիկի դաշտից երկու հողակտոր, Նորաշեն գյուղում՝ հինգ հողակտոր և մեկ ջրաղաց²³, Համաձայն հիշյալ կալվածագրի, Լիմի ս. Գևորգ վանքն ուներ քսան կտոր ընդարձակ հողամաս, երկու ջրաղաց և մեկ ջրանցք: Այս ամենը «վակֆ են արված և վերջնականապես, ընդմիշտ և հավիտյանս պարզ ու լսելի կերպով ամրացված են Լիմի հիշյալ եկեղեցուն»²⁴:

²¹ Հ. Շահխաթունյանց, Ստորագրութիւն կաթողիկէ էջմիածնի և հինգ գաւառացի վարարտայ, հ. Բ, էջմիածին, 1842, էջ 350:

²² Վիժական տարեգիր, Պետերբուրգ, 1913, էջ 171:

²³ Տե՛ս Մատենադարանի պարսկերեն կալվածագրերը, պ. 1, էջ 49:

²⁴ Նույն տեղում, էջ 52:

հառարաստի վանքը Ղարա-Յուսուֆի իշխանության տարիներին ղնդարձակ կալվածքների տեր էր, որի ֆեոդալական տնտեսությունն էին կազմում 19 արտ, 70 մոթ ջրովի հող, 20 մոթ անջրդի հող, մի այգի և երեք ջրաղաց²⁵։

Մեկ հետաքրքրող ժամանակաշրջանում վանքապատկան հողատիրության ղնդալման մյուս ուղին գնումների ճանապարհով ձեռք բերված կալվածքներն էին 1445 թ. Աղթամարում գրված մի Մաշտոցում արժեքավոր վկայություն կա Ռշտունյաց գավառում կառուցվող եկեղեցիների և գնումների ճանապարհով նրանց համար ձեռք բերված հողերի մասին²⁶։

Գնումների ճանապարհով վանական հողատիրության հարստացման մասին է խոսվում նաև Ալթամարի կաթողիկոսական տեղապահ Ներսես եպիսկոպոսի 1463 թ. ևրկու կոնդակներում։ Կոնդակներից մեկում, ուղղված իր թեմի հոգևոր հայրերին, նա խնդրում է, որ նրանք օժանդակություն ցույց տան ավերված ս. հաշ վանքը վերաշինելու գործին։ Իր մյուս կոնդակով Ներսես եպիսկոպոսը հայանում է, որ վանքին մոտ մի գյուղ է եղել, որը գյուղի տերերը վաճառել են վանքին 1000 թանկայի Փողի կեսը վանքը վճարել է կանխիկ, իսկ մյուս մասը Ներսես եպիսկոպոսի խնդրանքով վճարել են քրիստոնյա հավատացյալները²⁷։

Վանարկվող ժամանակաշրջանում ամենախոշոր ֆեոդալական տնտեսություններից էր էջմիածնի վանքի տնտեսությունը, իր ունեցած սեփական կալվածքներին վանքը, օգտվելով արտոնյալ այն վիճակից, որում գտնվում էր նա XV դ., տարեցտարի ավելացնում էր նոր ֆեոդալական տիրույթներ։ Այդ բանը հիմնականում կատարվում էր գնումների ճանապարհով ձեռք բերված հողերի հաշվին։ Էջմիածնի 1428—30 թթ. երեք առանձին կալվածագրերից կազմված է 1430 թ. կալվածագիրը, որը իր մեջ պարունակում է երեք առանձին գործարքներ։ Առաջինը 1428 թ. նոյեմբերի 18-ի կալվածագիրն է, որով էջմիածնի վանահայր պարոն Սմբատի որդի Գրիգոր եպիսկոպոսը մահմեդական ոմն Սաբու Մալիքից գնում է էջմիածին գյուղի մեկ երրորդ մասը կազմող ողջ տարածությունը, որի համար վճարում է հինգ հազար դիմար հնչուն արծաթ դրամ²⁸։ Երկրորդ վաճառքը կատարված է 1429 թ. հունիսի 12-ին, վաճառողը դարձյալ մահմեդական ոմն Շեյխ-Մուհամադն է։ Այստեղ որպես գնող կողմ Գրիգոր եպիսկոպոսի հետ հանգես է եկել պարոն Բաբաջանի թոռ պարոն Սեթի որդի պարոն Ղևոնդը։ Պարոն Ղևոնդը էջմիածնի մեկ վեցերորդ մասի համար վճարել է երկու հազար հինգ հարյուր հնչուն արծաթ դիմար²⁹։ Էջմիածնի գյուղում իրենց հոր ունեցվածքը, որը կազմում էր գյուղի մեկ վեցերորդ մասը Հուսեյին-Կուլի և Փիր-Ալի եղբայրները վաճառել են Գրիգոր եպիսկոպոսին երկու հազար հինգ հարյուր հնչուն արծաթ դիմարով։ Վաճառքը տեղի է ունեցել 1430 թ. հունվարի 26-ից փետրվարի 24-ը³⁰։ Գնված այս բոլոր հողերը, որոնց մեջ մտնում էին վարելահողեր, այգիներ և արոտատեղիներ, Գրիգոր եպիսկոպոսը վակֆ է արել էջմիածնի վանքին։

25 Տե՛ս Ղ. Փիրզալեմյան, Նոտարք Հայոց, Կ. Պոլիս, 1883, էջ 31—32։

26 Տե՛ս Ժն դարի հայերեն ձեռագրերի հիշատակարաններ, Կ., 1955, մաս Ա, էջ 565։

27 Տե՛ս Լ. Խաչիկյան, Ժն դարի հայերեն ձեռագրերի հիշատակարաններ, մասն Բ, Երևան, 1958, էջ LXXVII—LXXVIII։

28 Տե՛ս Մատենադարանի պարսկերեն կալվածագրերը, պրակ I, էջ 60—61։

29 Տե՛ս նույն տեղում, էջ 61։

30 Տե՛ս նույն տեղում, էջ 62—64։

էջմիածնի վանքի ունեցած անբավ հարստության մասին է վկայում 1431 թ. կալվածագիրը, որի համաձայն վանքի վանահայր Զալալ բեկի որդի Գրիգոր եպիսկոպոսը Ռուստամ Օրբելյանից գնել է Վաղարշապատ, Աշտարակ, Բաթոհնջ, Նորագավիթ, Աղունատուն, Թեղնիս-Քիրաշլու և Մուղնի գյուղերից յուրաքանչյուրից վեց գանգ հողամաս: Գրիգոր եպիսկոպոսն այս ամենի համար Ռուստամ Օրբելյանին է վճարել 480000 հնչում արծաթ դինար³¹, Համաձայն այդ կալվածագրի, Գրիգոր եպիսկոպոսը գնված ողջ մուլքը վակֆ է արել էջմիածնի վանքին: Ըստ պայմանավորվածության, քանի գեռ կենդանի է վակֆ անողը, նա պետք է լինի էջմիածնի վանքի տնօրենը, վերակացուն և եպիսկոպոսը, իսկ նրա մահից հետո՝ մերձավոր և ավագ վանականներից բարեհոգի մեկը³²: Փաստորեն Օրբելյանների քաղաքական առաջնորդը հիշյալ հողային տարածությունների հետ Գրիգոր Մակվեցուն է վաճառել նաև էջմիածնի հոգեվոր պետի աթոռը:

2. Փափազյանը, խոսելով Գրիգոր եպիսկոպոսի կողմից այդ գյուղերի գրեման գրդապատճառների մասին, այն միտքն է հայտնել, որ Ռուստամ Օրբելյանն այդ գյուղերը նվիրել է վանքին որպես սեփականություն և նրանց գնումը Գրիգորի կողմից ձևական բնույթ է կրել³³: Առուծախի այս ակտը կատարվել է այն ժամանակ, երբ Օրբելյանների քաղաքական վիճակը բարվոք չէր: Օրեցօր սաստկացող հալածանքներից ստիպված նրանք հեռացել էին իրենց հայրենի երկրից և դիմում էին նման գործարքների: Նշված գյուղերը Ռուստամի սոյուրդալներից էին, որոնք նա ստացել էր Իսթանդարից՝ իր ծառայության դիմաց: Հայտնի է, որ Իսթանդարի դեմ XV դ. 30-ական թվականներին թուրքմեն ազնվականությունը օպոզիցիոն դիրք էր գրավել: Ի վերջո, 1437 թ. նա զոհ գնաց պալատական դավադրության: Այդ բանն անշուշտ կոահում էր հեռատես Ռուստամ Օրբելյանը: Վախենալով, որ վաղ թե ուշ զրկվելու է Իսթանդարի արքունիքում գրաված բարձր դիրքից և կորցնելու է Արարատյան երկրում ու Ամբերդի գավառում ձեռք բերած իր սոյուրդալները, նա այդ պատճառով 1431 թ. դրանք վաճառեց էջմիածնի վանքին:

էջմիածնի վանքի հետագա հզորացմանն ու հարստացմանը մեծապես նպաստեց 1441 թ. կաթողիկոսական աթոռի վերահատատումը էջմիածնում: Կիրակոս Վիրապեցուն հաջորդած Գրիգոր կաթողիկոսը վերաշինում է էջմիածնի վանքը և ավելացնում է նրա կալվածքների թիվը: Միմեոն Երևանցու վկայությամբ, էջմիածնի վանքի վարելահողերը, արոտատեղիները և այգիները, որոնց տիրացել էր աստիճանաբար, կազմում էր 2335 սոմար տարածություն³⁴:

XIV—XV դարերում վանական հողատիրությունը ընդարձակվում էր նաև երկրից գաղթող մանր ու խոշոր ավատատերերի հողերի և ունեցվածքի հաշվին: XV դ. պարբերաբար կրկնվող պատերազմներն, ավերածություններն ու թալանը հայ աշխարհիկ ֆեոդալների համար ստեղծել էին կյանքի ու գույքի բացառիկ անապահով վիճակ, որի հետևանքով հայ ազգաբնակչության փախուստը երկրից դարձել էր մասսայական: Այս կապակցությամբ Աշ. Հովհաննիսյանը գրել էր. «Երկրից փախչողները կամ երկրում մնալով ծանր տուրքև-

31 Տե՛ս Նույն տեղում, էջ 67—75:

32 Տե՛ս Նույն տեղում, էջ 76:

33 Տե՛ս 2. Փ ա փ ա ղ յ ա ն, Մի էջ Արևելյան Հայաստանի քաղաքական կյանքի պատմությունից, ԳԱ «Տեղեկագիր», Ե., 1955, № 8, էջ 92:

34 Տե՛ս Ս ի մ է օ ն կաթողիկոս Երևանցի, Զամբու, էջմիածին, 1873, էջ 152—154:

յից ու հալածանքներից խուսափել կամեցողները իրենց հողերը էժանագին վաճառում էին եկեղեցուն, երբեմն կամավոր «վախում» անում եկեղեցուն իրենց դույրերի և կամ հրաժարվում անձնական իրենց ազատությունից՝ ճորտադրվելով եկեղեցուն³⁶։ Ի հաստատումն իր այս մտքի Աշ. Հովհաննիսյանը վկայակոչում է Ջաքարիա Սարկավագի հին վավերագրերից քաղած ուշագրավ այն քաղվածքը, թե «ամենայն ոք ցանկայր տալ զինչս և ստացուածս՝ և արարս, ոմանք այգի, ոմանք արարք, և ոմանք գիւղ, ոմանք անասուն, և ոմանք դրամս, ոմանք դինքեանս և այլք գորգիս, ոմանք անօթս եկեղեցւոյ և այլք զինչս մարմնւորսս»³⁷։

1417 թ. Գանձասարի վանքում Մատթեոս Մոնոզոն գրիչը դառնացած դրոմ է. «Քանզի այն, որ կայր մնացեալ շառաւիղ տանն Բիրթելեանց՝ գնաց վախրստական ի Տունն Վարց, որոյ անուն Սըմբատ կոչիւր, և անդ՝ ի յօտարութեանն վախճանեցաւ Եւ մնացեալ Բ. որդիք իւր եկին ի հայրենիս իւրեանց, և ոչ են տեարք իշխանութեանն իւրեանց, այլ ընդ ձեռամբ անօրինաց»³⁷։ Երկրից հալածված Օրբելյան իշխանների կալվածքների մի մասն անցել էր նույն տան հողոր ֆեոդալների հսկողության տակ։

Այդ բանը տեսնում ենք նաև Քեղվա ձորում և նրա շրջակայքում իշխող Ջաքարիա Հավուց Թառեցու և նրա տոհմի ազատորդիների կապակցությամբ։ Սրանց կալվածքների մի մասը բռնագրավվել էր Բեյթ-ուլ-մալի կողմից։ 1489 թ. Ջաքարիային հաջողվում է 5000 դինար հաշտության գին վճարելով մուսուլման կառավարիչ Քամալ էդ-դին Արդին բեկից ետ ստանալ իր հայրենի կալվածքներից Մանկուս, Ավանիկ, Կուդիս, Կըղըլ վանք, Կոխդ, Դոնիս, Սուրբ Սարգիս գյուղերը և Կոտունց վանքն ու Ավանասարի ագարակները³⁸։ Ջաքարիա վարդապետը հիշյալ գյուղերի գնման ակար ձևակերպում է իր անունով։ Ջաքարիայի կողմից կատարված այդ գործարքը Ջամբուի հեղինակը բնութագրել է այսպես. «որպես թե վանքս առնոյր զայսքան մուլք, թեպէտ յանուն վանքին վախճ ոչ դրեցուցանէր ի միամտութենէն»³⁹։

Ապարանի սուրբ Նշան վանքում 1497—1507 թթ. շարադրված մի կոնդակով գյուղի քահանաները նշովք են կարդում նրանց հասցեին, ովքեր կփորձեն տիրանալ գյուղից հեռացողների ունեցվածքին։ Ինչպես ճիշտ նկատել է Լ. Խաչակյանը, վանքն, ուրիշներին արգելելով, իրեն է իրավունք վերապահում սեփականացնելու անտեր մնացած կալվածքները, նկատի ունենալով հայ եկեղեցական կանոններով հաստատված այն սկզբունքը, թե անժառանգ մնացածների գույքը պատկանում է եկեղեցուն⁴⁰։

Վանքապատկան հողատիրության ընդարձակման մյուս միջոցը գյուղական համայնքների հաշվին ձեռք բերված հողերն էին։ Գյուղական համայնքի հաշվին ստացված հողերը լինում էին ինչպես նվիրատվություններ, այնպես էլ գնումների ճանապարհով և բռնությամբ ձեռք բերված հողերը։ Այս հար-

36 Աշ. Հովհաննիսյան, Դրվագներ հայ ազատագրական մտքի պատմության, գիրք 1, Երևան, 1957, էջ 308։

37 Ջաքարիա Քանաքեռցի, Պատմագրություն, Վաղարշապատ, 1873, հատ. 3, էջ 15։

38 Ժեղարի հայերեն ձեռագրերի հիշատակարաններ, մասն Ա, էջ 194։

39 Տե՛ս Մատենադարանի պարսկերեն կալվածագրերը, պրակ 1, էջ 83—85։

39 Սիմեոն Կաթողիկոս Երևանցի, Զամբու, էջ 277։

40 Տե՛ս Ժեղարի հայերեն ձեռագրերի հիշատակարաններ, էջ 78—79։

ցին անդրադարձել է Լ. Խաչիկյանը⁴¹։ Գյուղական համայնքի համաձայնությունները հեղինակը արվող նվիրատվությունները լինում էին արտեր, այգիներ, ջրաղացներ և այլն։ Այսպես Աղու գյուղի համայնքն իր նախաձեռնությամբ ջրաղացներ է ավերված սուրբ Հովհաննեսի վանքը և որպես «լուսագին» համայնքին պատկանող հողային տարածությունից վանքին է նվիրում մի արտ⁴²։ 1470 թ. Աղթամարում գրված մի ձեռագիր հիշատակարանից պարզվում է, որ Արբերդ գյուղի համայնքի անդամները Արբերդի վանքին են նվիրել ձիականց, Զալուի, Վախուանց և Ներկարարենց արտերը⁴³։

XV—XVI դարերին վերաբերող անթվագիր մի փաստաթղթի համաձայն վարդապետիկ վանքը գյուղական համայնքից նվիր է ստացել Խաչի արտը, Մուռ արտը, Ուռուտը, Շապխոնց բռնն, Ավգերանց արտը և Ավգերենց թումբ արտը⁴⁴։ Համայնքի կողմից տրվող նվիրատվությունները ոչ միշտ էին կատարվում նրա հոժար կամքով։ Այսպես, Զաքարիա կաթողիկոսի ժամանակ Աթանաց գյուղի համայնքն իր վրա դրված անեծքի թուղթը օրհնանքի վերածելու համար ստիպված է եղել գյուղական համայնքին պատկանող հողերից մի արտ նվիրել սուրբ Աստվածածին վանքին⁴⁵։

Ճիշտ է, վանքերն ունեին իրենց սեփական միջոցները, գործիքները, քաշող ուժն ու վարձկան մշակները, սակայն ընդարձակ այս կալվածքները, այգիները, բանջարանոցները մշակելու, ինչպես նաև վանքերին կից այլ տնտեսություններում աշխատելու համար վանքերն ու խոշոր հոգևոր ֆեոդալները շահագործում էին նաև գյուղացու աշխատանքը։ Գյուղացու աշխատանքը շահագործում էր ձեռնարկներում, արհեստանոցներում, ձկնորսարաններում, ջրաղացներում և հասութաբեր այլ օբյեկտներում։ Այն վանքերը, որոնք ունեին «սեփական» գյուղեր, օգտագործում էին գյուղացու կոռալին աշխատանքը։ Կոռվոր գյուղացին պարտավոր էր տարվա ընթացքում մի քանի օր ձրի աշխատել հոգևոր ֆեոդալին և վանքերին պատկանող տնտեսությունում։

Այսպիսով, XIV—XV դարերում վանքերի և հոգևոր ֆեոդալների հսկողությամբ տակ էին անցնում հողային ընդարձակ տարածություններ, այգիներ, անդաստաններ և եկամտաբեր այլ օբյեկտներ։ Վանական և հոգևոր ֆեոդալական տնտեսությունն աճում և ամրապնդվում էր աշխարհիկ ֆեոդալների և մեծահարուստների նվիրատվությունների, երկրից գաղթողների հողերին տիրանալու, գնումների և գյուղական համայնքի նվիրատվությունների ու նրանց հողերի բռնագրավման ճանապարհով։ Քննարկվող ժամանակաշրջանում հոգևորականության ազդեցիկ ներկայացուցիչները, օգտվելով իրենց արտոնյալ դրությունից, աշխարհիկ հողատիրության հաշվին ոչ միայն ընդլայնում էին իրենց կալվածքներն, այլև իրենց ձեռքն էին վերցրել թուլացած ֆեոդալական տների կառավարման ղեկը։

XIV—XV դդ. Հայաստանի տերիտորիայում մղվող պատերազմները ծանր հարված հասցրին երկրի բնակչությանը, որի մի մասը ոչնչացվեց, իսկ

41 Տե՛ս Լ. Խաչիկյան, 14—15-րդ դդ. հայկական գյուղական համայնքի մասին, «Պատմա-բանասիրական հանդես», 1958, № 8։

42 Տե՛ս Գ. Սրուանձտյան, Թորոս, աղբար, մասն Բ, Կ. Պոլիս, 1884, էջ 306—307։

43 Տե՛ս Ժն դարի հայերեն ձեռագրերի հիշատակարաններ, մասն Բ, էջ 304։

44 Տե՛ս Լ. Խաչիկյան, 14—15-րդ դդ. հայկական գյուղական համայնքի մասին, էջ 122։

45 Տե՛ս նույն տեղում, էջ 118։

մյուս մասը ստիպված էր գաղթել երկրից։ Անլուր հալածանքների հետևանքով հայկական իշխանական տներին մի քանիսը չբացան ասպարեզից, իսկ մյուսները իրենց գոյությունը պահպանելու համար ապավինեցին Հայաստանի անմատչելի լեռներին՝ զորավիգ ունենալով հալ եկեղեցու հովանավորությունը։

Պատմական այս պրոցեսը, որը սկսվել էր դարեր առաջ, իր զարգացման դադարնակետին հասավ XIV դ. և ավելի խորացավ XV դ.։

ПУТИ РАСШИРЕНИЯ МОНАСТЫРСКОГО ЗЕМЛЕВЛАДЕНИЯ В XIV—XV вв.

Г. Е. КИРАКОСЯН

Резюме

Монастырское землевладение в XIV—XV веках значительно расширилось. Этому в основном способствовало то обстоятельство, что духовенство находилось в привилегированном положении, а монастырские владения не облагались налогом и были неприкосновенны. С целью сохранения своих владений князья вынуждены были отдавать их под эгиду церкви. В отмеченный период монастырское землевладение расширялось следующими путями:

1. Приношение монастырям со стороны феодалов.
2. Скупка земель и других доходных объектов.
3. Присвоение монастырями владений крупных и мелких феодалов, не выдерживавших тяжелого гнета и покидавших страну.
4. Приобретение общинных земель, отходящих к монастырским, а также приношения со стороны общин или даже захват общинных земель с помощью силы.